

〔宋〕 洪 遵

洪氏集驗方

歷代中醫珍本集成

重刊宋本洪氏集驗方序

此集驗方五卷。南宋洪文安所手輯。文安名遵。字景嚴。皓之仲子。以博學鴻詞中選。起家爲祕書省正字。孝宗朝。官至資政殿學士。方遵登制科時。高宗因皓遠使。推恩卽命選入館。詞科中選卽入館。蓋自遵始。非故事也。宋祖宗之朝。君相以愛民爲務。官設惠濟局。以醫藥施舍貧人。故士大夫亦多留心方書。如世所傳蘇沈良方。許學士本事方之類。蓋一時風尙使然。夫古人立方各有深義。今世庸醫不知其理。妄行增損。遂有學醫人費之誚。億孫淵如先生有言。今世外科每奏奇功。而內科不能者。外科用古方。而內科不用古方之故也。余往日刻新安程氏易簡方論一書。亦欲世人稍知古方本義。今復翁此書之刻。殆與余有同心也夫。吳縣石韞玉序。

重刊宋本洪氏集驗方後敘

洪氏集驗方。惟延令季氏書目有之。知宋板外絕無流傳之本。余故從宋本錄副。今始付雕。其書五卷皆全。無序有目。而目共五葉。其一號二號四號。係舊時鈔補。茲以烏絲欄細者別之。此用汲古鈔補宋板例也。本書字句間有不同。如黃牛角鯁。或有作腮者。或云一枝。或云一箇。又慢火。或作煨火。又黃耆狀如箭。箭長二三尺。頭不叉者。又疑叉之誤。又洗淨寸截。搥破。口壁以鹽湯潤透。口係蝨蝕處。尚有系旁可審。疑口是縣字。以意補之。其餘版心刻工姓名有蝨蝕去者。空之。無足重輕。不復補寫。以上各條。皆隨舉一二。以見宋刻原本如是。非涉重刊。而有訛舛脫漏也。大抵方書之字。大有關係處。在藥名。分兩。法製。諸端。其餘異同。可勿深論。此書刊成。求序於獨學老人。有札示余云。昨所言交感丹。恐疑用香附太偏重。因查敵處所藏方書。乃是香附一個。配茯神四兩。修鈔是香附一斤。竊意香附一個。無一斤重之理。恐係抄胥之誤。祈再查原本。此固慎重起見。然余卽以此方降氣湯。牙藥。二條證之。一用半斤。一用五兩。是遞減用之。原方一斤非誤。俟宋之審如是如是。并附著之。以質諸深於醫理者。一正其是非云。嘉慶己卯孟秋。吳縣黃丕烈敘。

洪氏集驗方目錄

治痢菜連丸

肉豆蔻散

祛毒散

大交泰丹

混元胎丹

還少丹

瓊玉膏

一粒金丹

神妙六逆丸

鐵鏈交感丹

降氣湯

牙藥

化毒排膿內補散

癰疽靈方

治乳癰發背

靈寶膏

治癰疽發背方

發背灸法

又發背灸法

治背疽移藥

內消發背

治甲疽努肉

治癰疽經驗方

治癰疽奪命膏

又勝冰散

又應痛內托圓

又聖柳散

治癰疽立効方

從蓉茸附圓

鹿茸世寶圓

五解散

治痢育腸圓

硫附鹽禁圓

治腸風下血

比金散

治腸風痔疾

阿魏良薑圓

麝茸圓

人參大溫中圓

水陸二仙丹

神應乳香圓

神妙驅風散

虛風圓

四斤圓

妙應圓

丁香草菓散

神仙透空圓

沈香華澄茄湯

灸結胸傷寒

治風烏荊圓

烏金散

良薑湯

治氣塊刺痛

常服散子

治胎衣不下

安腎圓

治傷折神授散

普救散

治喉口熱毒

肉豆蔻湯

治舌咽

治舌腫

治湯火傷

從蓉圓

治乾癆

治淋

治沙石淋

治毒蛇傷

治治精降氣

秘精圓

治傷折骨碎

治疝氣偏墜

治痔烏金散

治傷風倍苓圓

治風毒氣眼

治腰痛

治虛勞秋石丹

治諸癰

治豆瘡倒靨

治喉閉_二方

治腰痛

治腸風

瘡藥方

治癰

接骨方

治漏瘡

治外風入瘡口

癰藥

治喉閉

治盜汗

治傷風

治脚腫

治脚腫甘豆湯

灸勞法

治頭風頭痛

茶牙湯

治偏正頭疼

治腰痛附半圓

治爛緣風眼

治體瘡

治癰疥

治脚氣灸法

治蛇毒

治鼻衄

治諸鯁

治盜汗

治暑龍鬚散

治風牙疼

治蛀牙疼

治風牙蛀牙疼

治五種牙疼

治風蛀牙破者

治牙搖牙宣

治暴嗽不止

治惡瘡久不較

治冷漏

治喉閉

治咽喉腫痛

治凍死

治喝死

治溺死

治火燒湯潑

治湯火灼

治喉甲

治小腸氣

治產後百病

催生如聖散

萬靈圓

烏金散

救生散

治妊娠下血腰痛

治產後顛狂

催生藥

治滑胎易產

產後羊肉湯

產後防暈方

產後大便不通

順經散

九寶飲

治小兒泄瀉

金液丹

青州白丸子

肥兒圓

神麴豆蔻圓

木香分氣圓

助胃膏

治麻豆瘡膿水

辰砂安驚圓

光活膏

大天南星圓

治疳風撮口法

沒石子圓

誤吞珠銅鐵方

誤吞錢方

誤吞釘箭等物

封顙

治吐

誤食穀芒

治口瘡消風散

治腫雄朱散

治瘡瘍金華散

治頭瘡如聖散

治喉閉急風散

墜涎圓

肥兒圓

辰砂圓

觀音散

四君子圓

洪氏集驗方卷第一

治痢先思宜後此方歷有經驗

黃連吳茱萸各二兩如常法揀洗焙乾黃連到令寸斷同一處炒俟香熟分爲二各用醋糊爲丸如桐子大若小兒則如蚕豆大悉赤痢則服黃連白痢則服茱萸赤白則并服之赤先白後則先黃連而後茱萸赤多白少則二分黃連二分茱萸反是亦如之每服五七十粒至百粒服之以愈爲度陳米飲下大率茱萸治白黃連治赤也黃連用鹽爪者

肉豆蔻散治赤白痢無藥可治者其效如神上吐下痢者亦治已下三方韓子溫少卿傳

肉豆蔻切片子炒黃色

櫻栗殼切碎用蜜搗拌勻炒黑黃

甘草切碎炒黃黑色

乾生薑切細炒黃黑

右等分搗羅爲末每服六錢如赤痢多加甘草一寸炙黃同煎若白痢多加炒生薑一塊同煎用水二大盞煎至一盞半通口服不計時候卻將兩服滓再煎服無不愈者

祛瘡散熱多寒少者一服無不驗予家每合以濟人一服即愈

治時行寒熱諸藥不效者今有夢中神傳藥方如有此疾者依方服之即愈如所感深重一服未愈者

定毒發一次更不再來。

好高良薑剉碎

好川白薑剉碎

二味各礱爲極細末。

右各秤等分。勿令偏些。再入乳鉢內。一處研勻。細羅過二味。病大者共抄三大錢。病小者共三小錢。於當發日。日未出時。以豬膽二枚。勿用白色者。割開取汁。與藥調勻。再用熱酒少許。打勻。通口猛作口嚥。更以酒少許送下。急嗽口。以甜物壓之。一日不得喫別藥。忌大寒物。其藥須是廣諸國其母豬膽不中江南諸國之豬。

大交秦丹

陽不可服

治陰陽二毒傷寒。或因下早亡陽。或致結伏胸膈。四肢厥冷。脈息俱無。心躁如火。或因冷物傷脾。夾臍疼痛。生硬入胃。中滿痞塞。潮發寒熱。并治惡胃噦逆。霍亂吐痢。小腸痙瘕。脇肋氣痛。但是陰陽不順。惡候。傷寒壞證。並皆治之。每服一粒。炭火內煨通赤。良久取出。放冷。細研如粉。米飲一盞。煎七分。溫服。不拘時候。隔半時辰。再進一服。其效如神。兼治小兒瘡疹倒靨。依法服半粒。立愈。

金星石

大陰玄精石

銀星石

雲母石白色片子

代赭石

桂府滑石

禹餘石已上各一兩

寒水石吉州產一兩半

不灰木一兩性熱者

右件九味入磁瓶子炭半秤煨候火耗一半取出放冷研爲細末糯米粥爲圓如彈子大候乾用係醫家

可清一服

混元胎丹乃陰陽始生之物氣精血初生之英華蓋入元宮真氣所化修真之士服餌補漏壯氣固神益髓通神明延壽命增益道涯超範圍外內丹之基其服餌方如後久無病者服此有驗

以首兒衣二八月者不用收時連帶中元血收

用長流水淨洗控乾入堇瓶中下無灰法酒三大勝腦子麝香一錢或半字以紙封瓶口下用文武火煨候酒將盡取出再入酒三勝依前煨卻用竹篋或金銀篋不住攪以覺爛糜似粥模樣待冷取入砂盆內細研如粉別入外料

人參二兩

茯苓二兩

乳香半兩

朱砂半兩水飛過

山藥四兩

已上並爲細末人參等須擇佳者

右用上件藥末入於所煮藥內如乾時更用元煨酒旋旋添拌勻一處攪搜爲圓梧桐子大慢火焙乾

每日空心五十粒。加至一百粒。用溫酒鹽湯下。良久用甜淡飲食飽。逐日輩味中減少五味。謂甜淡

服至五七日。微覺小腹連腰沈重。不須疑慮。乃是藥力攻元氣。相補助如此。

西川羅赤脚仙還少丹。大補心腎脾胃一切虛損。神志俱耗。筋力頓衰。腰脚沈重。肢體倦怠。血氣羸乏。小便香濁。陳海叔數文傳

乾山藥

牛膝酒浸一宿焙乾各一兩半

山茱萸

白茯苓去皮

五味子

肉蓯蓉酒浸一宿焙乾

石菖蒲

巴戟去心

遠志去心

杜仲去皮用生薑汁并酒合和塗炙令熟

楮實

舶上茴香已上各一兩

枸杞子

熟乾地黄各半兩

右搗羅爲末。煉蜜入棗肉爲圓。如梧桐子大。每服三十圓。溫酒鹽湯下。日進三服。皆食空時。如早食時服之無妨

至五日覺有力。十日精神爽健。半月氣力稍盛。二十日目明。一月夜思飲食。冬月手足常暖。久服無毒。令人身體輕健。筋骨壯盛。怡悅難老。更看體候加減。如身熱。加山梔子一兩。心氣不寧。加麥門冬一兩。

少精神。加五味子一兩。陽弱。加續斷一兩。常服。齒牢。永無癢瘡。婦人服之。姿容光悅。去一切病。治子宮久冷。

鐵釜先生神仙秘法瓊玉膏

此藥有驗

新羅人參

二十四兩。春一千下。爲末。

生地黃

一斤十六兩。九月採。搗。

雪白茯苓

四十九兩。春一千下。爲末。

白沙蜜

十斤。

右件人參茯苓爲細末。蜜用生絹濾過。地黃取自然汁。搗時不得用鐵器。取汁盡去滓用。藥一處拌和。勻入銀石器。或好瓷器內。封用。如器物小。分兩處物盛。用淨紙二三十重封閉。入湯內。以桑木柴火煮六日。如連夜火。卽三日夜。取出。用臘紙數重包瓶口。入井內。去火毒。一伏時取出。再入舊湯內。煮一日。出水氣。取出。開封。取三匙。作三蒸。祭天地百神。焚香設拜。至誠端心。每晨朝。以二匙溫酒化服。不飲者。白湯化之。此膏填精補髓。腸化爲筋。萬神具足。五臟盈溢。隨實血滿。髮白變黑。返老還童。行如奔馬。日進數食。或終日不食。亦不飢。開通強記。日誦萬言。神識高邁。夜無夢想。人年二十七歲以前。服此一料。可壽三百六十歲。四十五歲以前。服者可壽二百四十歲。六十三歲以前。服者可壽百廿歲。六十四歲以前。服之。可壽至百歲。服之十劑。絕嗜慾。修陰功。成地仙矣。一料分五處。可救五人癰疾。分十處。可救十人勞瘵。修合之時。沐浴志誠。勿輕示人。

粒金丹治中風癱瘓口眼喎斜涎潮語澀渾身疼痛應一切風疾悉皆治愈張真甫舍人傳得之劉信叔

大川烏頭炮去皮

大黑附子炮去皮

新羅附子炮裂已上各二兩

五苓脂一兩

白殭蠶一兩去絲炒

白蒺藜一兩炒去刺

沒藥半兩研

朱砂半兩研

白礬一兩枯研

麝香淨肉半兩研

細香墨半兩

金箔二百片

右件前六味同爲末後四味研勻同合和令勻用井花水一大盞研墨盡爲度將汁搜和用柞白內搗五百下和圓如彈子大金箔爲衣審乾每服一粒用生薑一兩去皮擦取自然汁將藥圓於汁內磨化盡用無灰熱酒一大盞同浸化溫服更量性多少喫溫酒一二升投之以助藥力用衣被蓋覆汗出爲效痛勢重者日進二服不拘時候

張天師留傳老換少壯輕身強記駐顏悅色髮白變黑開心中迷忘聰明耳目神妙六逸圖貴州王承賢方李少卿著

石菖蒲九節者能開心孔聰明耳目益智不忘出音聲治耳聾高志不老

兔絲子

補不足益氣力堅筋骨主口苦燥渴久服輕身延年

地骨皮

主五癆邪氣燥熱消渴神益氣久服輕身堅筋骨不老耐寒暑

遠志

補不足除邪氣益精神注智聰明耳目去皮膚中熱久服輕身不老好顏色益心

生乾地黄

填骨髓長肌肉去胃中宿食補五臟通血益氣力利耳目

牛膝

能助人筋骨濕治腰疼益氣久服輕身不老耐寒暑

右件藥各用二兩先搗剉碎用酒浸之春夏五日秋冬七日慢火焙乾搗羅爲末煉蜜爲圓如梧桐子大每服空心溫酒下三十圓至五十圓百病俱退服至一百日老卻少容服至一年髮如漆過二年顏如童子三年骨髓堅實四年鬼神自散精神爽清合藥并服時忌鷄犬見所傳不得過十三家潮州比助教所

傳葛仙翁六神圓用藥六味與此方同

鍛甕申先生交感丹

俞居易侍郎傳

世人中年精耗神衰常言百事心灰蓋緣心血少而火不能下降於腎氣燼而水不能上升至心中焦隔絕榮衛不和所苦者上則心多驚悸中則寒痞飲食減少下則虛冷遺泄甚至於陰痿不舉氣滑洩感醫徒知峻補下田非獨不能生水滋心而建僞失真立見衰悴夭折之由當自此始悲夫所處此方廣濟迷流然不可忽此藥品志心服之半年漸屏去一切暖藥又不可恃此而馳嗜慾然後力習秘固泝流之

術其神效不可殫述。質之天地。切勿妄傳。居易之祖。通奉遺訓云。子年五十一歲。遇靈慶申先生。授此秘術。酷志行持。服食一年。大補。平日所服暖藥。一切屏盡。而飲食嗜好。不減壯歲。此藥力之功大矣。今年八十五。享天然之壽。瞑目無憾。獨此藥傳之。理當普示羣生。同登道果。藥後有湯與牙藥。可同用之。

伏神四兩

香附子一斤。去毛。川新水。浸一宿。炒令黃色。

右爲末。煉蜜圓如彈子大。每服。侵晨一圓。以後湯嚥下。

降氣湯

伏神二兩

香附子半斤。炒。法如前。

甘草一兩半。炙黃。

右爲末。每服二錢。沸湯點下。

牙藥

香附子五兩。

右以生薑三兩。研和滓汁。浸香附子三夕。炒焦黑。存性爲末。以青鹽二錢。拌勻。揩牙。

洪氏集驗方卷第二

化毒排膿內補散

丞相兄刊是方於世
州予屢以贈人皆效

治一切癰疽疔瘡。未成者速散。已成者速潰。敗膿自出。無用手擠。惡肉自去。不犯刀仗。服藥後疼痛頓減。此其實試之效也。歛丞胡權初得方於鄧下異人。時有苦背瘍者。七十餘頭。諸藥逼試不效。因出是方示之。衆醫環立相目而笑曰。是豈癰疽所用藥耶。固謂之曰。古人處方自有意義。觀其所用藥性平和。縱未能已疾。必不至壞病。服之何害。迺治藥與服。以熱酒半升許。下藥五六錢。少頃痛減七分。數服之後。瘡大潰。膿血流迸。若有物自內托之。服之經月。瘡口遂合。若未嘗有所苦者。又有苦腹疾者。其痛異常。醫者莫曉時意。此藥頗能止痛。試以餌之。當日下膿二三椀許。痛亦隨止。乃腸癰也。又一老人忽胸間發腫。根脚甚大。毒氣上攻。如一瓠然。斜插項右。不能轉動。服藥。明日毒腫既散。餘一小瘤如栗許大。又明日帖然如故。又一人發腦。疑此方不服。既殯於庸醫之手。明年其子復苦此。與父之狀不異。因懲父之失。縱酒飲藥。遂至大醉。竟日。衾臥地上。酒醒。病已去矣。又一婦人發乳。瘰癧疼痛。不可堪忍。自謂無復生理。又二婦人股間發腫。大如杯碗。服此皆脫然如失。蒙濟者不可悉數。姑敘大略。以示未知此方者。大抵癰疽之作。皆氣血凝滯。風毒壅結所致。治之不早。則外壞肌肉。內攻藏府。去生遠矣。詳味